



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

CCVII. Churfürst Albrecht verpfändet Schloß und Stadt Freienstein mit dem Rechte des Einreitens in die Probstei des Klosters Heiligengrabe und mit allen Zubehörungen an Johann und Hans von Plessen ...

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

CCVII. Churfürst Albrecht verpfändet Schloß und Stadt Freienstein mit dem Rechte des Einreitens in die Probstei des Klosters Heiligengrave und mit allen Zubehörungen an Johann und Hans von Pleffen für 950 Rh. Gulden, im Jahre 1472.

Wir Albrecht etc. Bekennen etc. — dat wy vnssem linen getrewen Johann von pleffen, Diterichs seligen Sone, vnd Hanssen, synem Vedderen, rechter redeliker vnd willicker schuld schuldig syn Negenhundert vnd fefftig gute volwichtige Rinische gulden, die Dyterich von Pleffen seliger, des gnanten Johann Vater, vnd dy gnante Hans vnssem linen Brudere Marggraue fridrichen seligen den Jungeren wol tho Dancke vnd gutliken geleghen hebben; dar vor wy en vnd eren rechten eruen tho eynem rechten wederkope In Amptmans wyse Ingedan vnd verkofft hebben vnsse Stat vnd Hws frienfteyn, mit aker, holten, masten, wesen, water, gresingen, wilthanen, mit standen eigen vnd liggenden grunden vnd den Borghdienst vnd vth vnd ynrident In der Prouestie tom Hiligen graue mit dem gerichte ouerst vnd sydest, dinsten, geleiden, gentzliken mit allen vnd iglichen obgnanten thobehoringen, Also dar to horen, wo man die nohmen mage, nichts vth genamen, doch beholde wy vns dy manfchap, dy twe dorper Grabow vnd Rosenwinkel mit aller Herlikeyt vnd gerechtikeit. Verkopen vnd geuen en dat yne etc. — Dar von dy gnanten von Pleffen vnd ere eruen, die gnante vnsse Stat vnd Hws frienstein, mit dorwerdern, wechtern vnd allen andern nottorftigen faken verweisen, verwachten vnd bestellen scholen vp ere eygen kost vnd teringe, vnd funder allerley ypslag, vnd vnsse Borger vnd Bwren vnd vnsse Straten, die vns to vertedingende geborn, getwlich hant hebben, schutten vnd verdedigen, na erem besten vermogen vnd alle andere vnsse Vogede flegen to donde, vnd suls ock mit vngewonliken plichten nymants besweren, Sondern eynem igliken by eren olden gerechticheiden, fryheiden vnd herkomen bliuen laten etc. — Dy gnanten Johann vnd Hans von Pleffen vnd ere eruen scholen ouk mit fulker vnsfer stat vnd Hws frienfteyn vnsen vnd vnsfer lande frede vnd vnfrede lyden vnd holden, vnd von vnd vth fulker Stat vnds Hws frienfteyn keynen krig anheuen noch maken, dat geschege den mit vnssem, vnsfer eruen vnd nakomen willen, weten vnd sulbort, Sondern dat schal vnnten vnd vnsfer eruen open Stat vnd Hws syn, to allen vnnsen vnd vnsfer lande nöden, kriegen vnd geschefften vngewerlich, vnd dor got vor sy, efft die stat vnd Hws frienstein von fulken vnsfer kriegen vnd seyden verlorn vnd en angewunnen worde von vnfen fyhenden, dat sie doch na notturft getrewelick vnd mit flite verwachten vnd verweisen scholen, dat schol en vnd eren eruen an fulken eren gelde vorgeschrenen vnshedlich syn. Ok scholen sie vnd ere eruen vnsse Stat vnd Hws frienfteyn nymande ouerlangen oder ynantwerden, one vnnsen, vnsfer eruen vnd nakomen willen vnd volbort, vnd sie hebben den tuoren vns vnd vnsfer Herschap to Brandenburg gelauet vnd gefworen, vns des eren verlegelden Briue gegeben, vns trawe vnd holt to weisen, vnd vnsse Stat vnd Hws frienfteyn treweliken yn vnsfer Herschap beste to verwaren vnd touorstande, alles ane argelist vnd genuerde. Vnd dor vp hebben wy em von vnnsen Borgern to frienstein eyne Pant-huldung don laten vnshedlich unnter erbhuldung, dy wy dar hebben: vnd vmbe demutiger flitiger bede willen des gnanten Johann von Pleffen hebben wir seyner Moter den frienfteyn, oder est wy den losenden oder losen Lyten In obgeschriuener weise, Sodane gelt, dorvome wie en den verscheruen hebben, to rechten lifgedinge, als lifgedinges recht vnd gewonheyt yfs, verlegen, dat die gnanten Johann verwillet, wess Hié doran touerwillende hefft etc. — Geben to Coln an der Sprew, am Dornstag nach vocem iocunditatis, Nach gots geburt Tusent vnhundert Im twe vnd Sybentigstem Jare,

Nach dem Churmärk. Rehn-Copial-Buche XXVI, 140.